

RIP KIRBY

pa cortesia di:

JAN BODEGOM & CO (ARUBA) N.V.Agente exclusivo di **FRIESCHE VLAG**




lechi evaporado y lechi en poivo

MAXWELL HOUSE KOFFIE.**CISCO KID**

pa cortesia di:

ARUBA BOTTLING COMPANY


NESBITTS den varios sabor, e refrescan mas pidi y mas gusta na Aruba.

**BUCHI ROBEZ****PEPITA**

pa cortesia di

OFICINA MARITIMA DE ARUBA

TRANSPORTACION DE MERCANCIA Y MUDANZA TEL: 2664/1622.

**DICK TRACY****Horoscopo personal**

ARIES-21 di maart-20 di april- Si bo ta modesto ricibiendo un aclamacion quizas nan lo recompensabo mas. Evita cualquier disgusto di papia ora turno no ta toca nabo.

TAURO-21 di april-21 di mei- E dia aki bo mester tin mester di tacto y pasenshi, si bo ta desea di evita e derrotanan di bo bida priva.

GEMINIS-22 di mei-23 di juli- Esaki ta un dia den cual lo bira dificil pa Geminis, di no cede ante depresion. Tuma tur cos manera nan binl.

CANCER-22 di juni-23 di juli- Esaki ta un dia den cual bo por ta confuso. No sinti bo mes ofendi pa expresionnan inoportuno di otro persona.

LEO-24 di juli-23 di augustus- Evita di keda pega entre dos forsa pa nan no tratabo manera un cos di hunga. No preocupabo cu problemanan di demas persona.

VIRGO-24 di augustus-23 di september- Criticanan tin nan lugar den mundo pero esaki no ta idea den cual mester expresanan sea na fabor o contra.

LIBRA-24 di september-23 di october- Circunstancianan quizas lo existi, cu bo mester mescia bo mes den asuntonan cu no ta importabo. Si ta asina, anto hasi tur cos de lo mehor cu bo por.

ESCORPION-24 di october-22 di november- Apega bo mes na rutina durante oranan di mainta. Acepta e oportunidad di dibertibo durante oranan di atardi.

SAGITARIO-23 di november-22 di december- Un respuesta serena riba cualquier pregunta cu nan hasi e dia aki lo yudabo mas tantu cu un actitud rapido di virtud.

CAPRICORNIO-23 di december-20 di januari- Evita contactonan nobo y subito e dia aki. Apega bo mes na e rutina di custumber y hendenan cu bo conoce.

AQUARIUS 21 januari - 19 febr

Otro hendenan lo por dunabo gran yudanza den bo trabao of cas. Sea sabi y laga otro sabikiko nan por spera dibo. Mustra bo carinjo pero sea alerta.

PISCIS- 21 di februari - 21 di maart- Hasi un verdadero esfuerzo pa bo bai bon cu e personanan cu cual bo ta traha. Bo futuro quizas por ta depende di bo compañero y compañeranan di trabao.

Anti-semitismo na Brasil

BUENOS AIRES, 31 maart. - Polis di Brasil a bisa, cu bandidonan cu na augustus di anja pasa a asalta un hospital, mata dos empleadonan eyan y a bai cu 14 million peso, tabata miembronan di e organisacion nacionalista Anti-Hudiu cu ta hiba e nomber

"Tacuara".

E organisacion "Tacuara" ta worde menciona tambe en relacion cu asaltonan riba synagogan y edificionan Hudiu.

Shete Argentino y un Jugoslavo, tur bou di trinta anja, a worde arresta en coneccion cu e asalto aki. Cincu otro ta worde arresta en coneccion cu e asalto aki. Cincu otro ta worde busca ainda.



Arubaanse Courant

Aña 25

DIABIERNE 3 APRIL 1964

No. 5001.

GOULART TA ACEPTA DERROTA Y TA RENUNCIA SU PUESTO

MAZZILI PRESIDENT NOBO

RIO DE JANEIRO, 3 april. - President Goulart di Brasil, a dicidi di rendi se forzanan constitucional di guerra di general Kruel, comandante di ehercito di Sao Paulo. Segun un transmision di radio Capta na Rio de Janeiro, burgo-meester di Porto Alegre a anuncia e desicion di Goulart. General Ladario Telles, comandante dje di tres ehercito y undje ultimo cu a keda fiel na president Goulart, a keda aresta segun ministerio di guerra.

Miguel Arrais, e gobernador socialista di estado Pernambuco wordu baha pa ehercito. E ta resu ne cuartel general di ed 4 ercito. Ne irregularidadnan a- rca di bahamentu dje goberna- r tabatin dos morto. Un lo per- na a keda aresta. President Mazzilli a nombra senador Mil- n Campos minister di justia. Campos ta un jurista prominen- y ta miembro dje union de- mocratico nacional, e partido as importante di oposicion bou Goulart.

ituacion den estado Rio Grande Sul ta tenso y brucha.

omandante dje di tres ehercito e guarnasion di Porto Alegre keda fiel na Goulart. E guar- sion den e estado sin embargo ta reconose e autoridad di ge- neral Ladario Telles, comandan- dje di tres ehercito.

ambe e gobernador socialista e estado Rio de Janeiro Badger veira a wordu baha. Badger veira y e gobernador di estado Pernambuco Miguel Arrais cunan baha ta miembro dje partido Brasileiro di obrero di cua Goul- art ta lider.

en dia Goulart a dirigi un men- te pa e pueblo Brasileiro den e el a bisa di lo sigui lucha seccamente pa defende e pue- . E stacion di radio di Porto Alegre, cu a interumpi su trans- mision a sigui cu transmision. en un transmision di noticia a nuncia, cu e stacion no ta s bou di control di forzanan guerra di Goulart.

stacion di radio, Radio Jornal Brasil, cu ta mantene rela- mnan, cu circulan oficial a- ta tardi a anuncia, cunana stop a estado Rio Grande do Sul e resistencia contra e gobier- Brasileiro nobo. E di tres e- cito, cu prome tabata apoya president Goulart, a ocupa Porto Alegre sin cu nan a lansa ni un o tiro. E ex comandante di e cito aki a keda aresta y ge- ral Cordeiro De Farias a bira mandante nobo.

e n exactamente ocho minuut congreso federal a baha presi- dent Goulart y a duna esaki su uesto temporalemte ne presi- dent di camara Ranieri Mazzilli. sesion a reuni riba peticion senador Aro de Moura Nadra-

de president di senado. El apar- ticipa cu Goulart a bandona su asiento y como consecuencia di esaki nan ta considera e puesto di president como bashi.

E anuncio a causa un tumulto serio bao dje delegadonan dje par- tido obrerista pero a keda acep- ta.

Sin interupsion senador de Moura Andrade a instala Mazzilli como president. Sin di a perdi ni un minuut el a companja e ul- timo aki pa palasio Planaltopa a- ceptacion dje puesto na cual sere monia president dje corte federal di justicia tabata presente.

E president provicional a anun- cia algun ministernan militar nobo. Ta trata akinan di general Artur Costa Silva, almirante Au- gusto Rademacher y brigada ge- neral di forza aerea Francisco Assis Correa de Mello.

Ex president Goulart a sali for di Porto Alegre pa Paraguay, se- gun circulan bon informa na Porto Alegre. E tabata compania pa 15 general y algun otro perso- na. E noticia a wordu sigura pa circulan militar autorisa na Rio de Janeiro.

Huntu cu e anuncio di salida di Goulart gobernador di Porto Ale- gre Sereno Chaise, a duna epar- ticipacion cu Goulart despues di a tumu su responsabilidnan den consideracion a llega ne conclusion cu ta imposibel pa desea sacrificacion di su ciudada- nonan.

General Kruel, cu manera anun- cia mas ariba a worde nombra comandante supremo di e forsa- nan democratico, no muchu tem- pu pasa tabata minister di guerra bou di president Goulart. Des- pues di su retro for di e puesto ey e tabata algun tempu coman- dante di e guardia personal di pre-

E prinsesnan Beatrix y Irene a bishita "Hun- neschans" na Veluwe, caminda nan lo construi dos centro hubenil. E terra a ser regala pa nan mayornan na ocasion di nan 25 aniversario ma- trimonial.

sident Goulart despues di cual el a worde nombra comandante di e segundo cuerpo di ehercito.

Segun noticianan ricibina Londen di bon fuente esposa di president Goulart a sali cu su dos yui nan pa Spanja, Senjora Goulart ta bla- ha cu avion.

E agencia oficial di noticia na Rusia "Tass" a acusa Merca di ta apoya e rebelion di elider- nan Brasilenjo abiertamente. Se- gun noticianan di prensa na Mer- ca e regimen nobo lo worde re- conoce inmediatamente pa Merca si nan baha president Goulart, asina e agencia Ruso di noticia ta bisa.

E actitud aqui di Washington na climax di e crisis di Brasil por worde mira solamente como apo- yo abierto di e rebeldenan, asina Tass ta opina.

Forza aerea, esun di mas grandi di Latino America ta dispone di 650 avion y 30,000 unidad. Ta per- tenese ne equipo di forza aerea

FATUM Tel. 1845

pa tur bo aseguronan

typonan mas bieuw di avionnan jet, avionnan di bombardeo y a- vionnan caza di bombardeo y un unidadnan di reconosimentu. Na Brasil tin 1100 aeropuerto mili- tar y civil.

Marina ta contene 1700 oficial 41000 unidad, caminda ta pertene- se 10,000 marinier. E flota ta con- sisti di 50 bapor grandi di guerra Aknan ta pertense un portavion y tres submarino.

E estado mas sur di Brasil, Rio Grande do Sul, tabata escena di bringamentunan entre trupanen cu a queda fiel na president Goulart y Unidadnan di regimen no- bo, asina ta worde informa na Porto Alegre. Parce cu tin hopi morto y herido. Na Rio de Janei- ro ta circula e rumor tambe, cu e miembro di parlamento Fran- cisco Juliao, e lider di e movi- mentunan castrista di federacion- nan campesina, a worde asesina.

For di Porto Alegre ta worde anuncia cu e federacionnan den e provinci a Rio Grande do Sul ta armando nan miebronan.

Nan quier haya Goulart napoder atrobe cu yudanza di obreronan arma. Parce cu polis entretantu a aresta 150 miembro di federa- cionnan di trabao.



SABOR CU NUNCA TA
VARIA

IT NEVER VARIES.



Diferente interpretacion pa e palabra "Baril"

Un baril ta un baril... of 'n ta'sina?

E palabra "baril" ta un parti importante di terminologia di industria petrolera mescos cu "batting average" ta pa beisbol. Sin embargo, manera ta socede den ambos esfuerzo, tin bez hendeno por indica e hungadornan sin un borch di anotacion - y mas tanto ainda ta e caso cu baril especialmente si hende mester usa e referencia ey pa algo otro cu ta crudo productivo petrolero.

Pa cuinlza, tin un variedad di barilnan cu ta estableci segun ley y costumier. Hasta den industria petrolera, si bo bisa "baril" caba, quizas bo mester duna un splicacion mas detaya.

Ta parce cu segun costumier, un baril di crudo of productivo petrolero di 42 galon ta nifica un "baril" pa obhetonan statistico.

seco, tambe ta "baril". E baril aki ta igual na 3,281 sche-pel, cual ta un midir mas popular den e caso aki. E ultimo informacion aki parce no ta presenta ningun problema, sin embargo, como cu un sche-pel ta un midir standard- excepto si ta trata di un cierto clase di fresa, yamá cranberry.

Mientras un baril di fruta of berdura ta igual na 3,281 sche-pel, un baril di cranberry ta igual na 2,709 sche-pel. Ta bastante extraño cu e baril di fruta cu ta igual na 3,281 sche-pel tin un midir den duim cubico di 7056, mientras un baril di cranberry, cu ta contene 2709 sche-pel, ta midir 5826 duim cubico.

Pesey, ora ta papla tocante baril, ta un bon idea pa sabi kiko tin aden, sino bo por haya bo mes cu mas cu uno.

(Aruba Esso News)

Cuatro jubileo na polis

ORANJESTAD, 3 april. - Na e cuerpo policial di polis tin cuatro jubileo dentro di poco tempo. Dia 16 di e luna aki inspector L. J. Hart, hefe di servicio uniforme hoofdagent di polis na San Nicolas, A. Bakker y agent di polis promer klas M.J. Welage tambe di San Nicolas, lo recorda e echo cu ta un cuarto jubileo nan aki lo worde recorda hunto cu e jubileo di plata di sub-inspector promer klas R.J. de Keyzer, hefe di departamento di trafico na Balashi. Dia dos di Mei venidero e lo cumpli 25 anja den servicio.

Petrona & Croes na Islanan Ariba

ORANJESTAD, 3 april. - Cu un capital conhunto di fl. 250,000 di cual 50 porciento contant a wor-Bonifacio Croes y A.G.M.A.G. Scott, promer director di Petrona & Croes na Aruba y e ultimo architecto di e firma mencionada, a estableci Windward Islands Contractors N.V. Senjor Scott a worde nombra promer director di e compania na Islanan Ariba. E statutonnan necesario a worde aproba.

Coneccion di 24 ora entre Aruba-Corsow

ORANJESTAD, 3 april. - Tin intencion pa cuminsamento di dia promer di mei venidero cuminsa cu un coneccion telefonico di 24 ora entre Aruba y Corsow. Cu esaki ta yega un fin na e situacion, cu despues di och'or no por tin coneccion mas entre e Islanan aki.

Door di cierto cambianan cu e instalacion di 12 kanaal, lo ta posibel, cu e teletypistenan di e oficianan di telgraaf lo percursa pa e coneccion publico.

Daisy Croes den A.C. Hotel

ORANJESTAD, 3 april. - E reina di carnaval 1964 di Aruba Caribbean Hotel-Casino Daisy Croes, kende dia di su eleccion 8 di februari ultimo pasa, a hanja un regalito for di e gerente di hotel senjor Henry Stebber pa pasa un weekend den compania di un chaperone, durante e weekend venidero lo bai hasi uso di su regalo.

Senjorita Daisy Croes kende a participa den carnaval como reina di club Oasis a worde nombra reina di Aruba Caribbean Hotel pa 1964 pa un jurado forma pa turistaman.

Srta. Croes lo drenta hotel diasabra mainta y lo keda aja te dia luna mainta, e lo worde compaña door di senjorita Trina Arends.

Lago, por ehemplo, tin un produccion di 440,000 baril di 42 galon pa dia. En cambio, lo ta un trabao duro pa hende busca un berdadero baril di 42 galon na cualkier parti den refineria. Loke ta parce un baril y hopi bez ta ser yamá un baril en realidad ta un drum cu ta contene 55 galon, aunque e instrument cu ta ser usá pa saka su contenido ta ser yamá un "pomp di baril" envez di, por ehempel, "pomp di drum".

Ariba e terreno di liquido fermentá, belasting ta worde basá arriba un baril di 31 galon y hopi Estadonan di Merca ta determina e contenido di un baril pa liquido na trinta y uno y mei galon. Un Estado ta conta 36 galon pa un baril pa midimento di regenbak. Pa alcohol cu percentahe fijo, Ley Federal di Estados Unidos ta reconoce un baril di 40 galon.

Y pa confundi e asunto mas, tin baril seco y tambe baril muhá of Liquido Uno di e midirnan pa fruta, berdura y otro mercancia

Grupo di carnaval ta bai Corsow

ORANJESTAD, 3 april. - E grupo di "Chinese Flower Sellers" cu durante e carnaval reciente a ser nombra e mehor grupo pa e anja aki door di e comite di carnaval, a dicidi di desfrasa unblaha mas. Nan lo hací esey anja di La Reina na Willemstad na unda nan lo marcha den cajanand Corsow cu nan steelband pa anima e fiesta di anja di La Reina. Dia 29 dje luna aki nan lo sali cu "Niagara" for di Aruba y lo regresa te dia 2 di Mei cu e mesun bapor.

Na tur e grupo lo consisti di mas o menos 120 persona entre cual ta e muchanan di "Silver Stars" y "US OHIO", edos steelbandnan tan popular na nos isla.

Na Corsow tur e personanan aki lo baha serca familia, conocirnan y amigonan. Esaki ta di dos bes cu senjora Sidonia Muller ta organisa un blaha pa Willemstad cu su grupo di carnaval. Anjapasa ariba anja di La Reina nan a bai cu e grupo "Zambesi". E grupo di anja di carnaval 1963.

Little League a ricibi "State of Maine"

ORANJESTAD, 3 april. - Como ochenta hoben di Little League na Aruba nechi bistir den nan uniforme tabata para na waf awe mainta ora cu e bapor Americano "State of Maine" a drenta nos waf. E honor particular aki ta en coneccion cu e hecho, cu e bapor aki a trece especialmente pa Aruba algun pelicula di Little League Americano, cual peliculanan lo worde pasa awe nochi (Lago Sport Park) y diadomingo anochi Wilhelmina Stadion).

E comandante di "State of Maine" keda altamente sorpresa cu e combin original aki. E muchanan ariba waf ta forma representacion di seis equipo Arubano.

ENJOY TELEVISION AT ITS BEST



10

CASA ELECTRONICA

PA PROME SANTA COMUNION nos tin precioso BISTIR pa mucha muher KRANS WAAL MEA SAPATU etc. etc.

LA LINDA



Nos a caba di ricibi:

- * Rema y pagaai den tur tamanjo
- * Cop-r-tox y lacquer thinner
- * Lijm pa madera y lijn blanco
- * Kwashi pa verf y steel brush
- * Bombillo y t-bulb den tur tamanjo
- * Fittings pa electricidad
- * Verf pa muralla y pa metal

Bo adres di semper

ARUBA HARDWARE C.V.

Statutonnan Mascaruba

ORANJESTAD 3 april. - Den e ultimo publicacion di Staatscourant e statutonnan aproba die grupo di comedia "Mascaruba" a worde publica. E organisacion tin como proposito pa yuda Stichting Teatro Arubano logra su proposito. Mas o menos un mei anja pasa e grupo activo aki a dicidi di establece un organisacion oficial. E organisacion su directiva ta worde forma door di presidente, Dominico Tromp, vicepresidente Eugenia Vrolijk, promer secretaria Rosalia Koolman, segundo secretario Gregorio Tromp, tesoroero Alfredo Rosenstand y comisarionan Susanna Gutierrez y Oslin Boekhoudt.

Candidatonan pa directiva ABBA

Pa e reunion general anual di Amateur Baseball Bond Aruba, cual lo worde teni dialuna dia 6 di april 1964 a worde nomina e siguiente candidatonan.

A caba di jega for di Madeira



MACUTO DI CABANA

tur typo y tamanjo, tambe macutu pa pic nic, HAMPERS y set di stoel pa patio, baki pa corant y boeki etc.

Bin weita nan, sigur lo bo keda encantá di nan.

ACME STORE

San Nicolas

Tel. 5381



Ta falta poco pa e pover senjora bai flauw.....ora cu e mira e monton di tayo y koppinan cu e mester laba..... No laga esey pasa cu boi Weita con un lava-plato electrico ta hací e trabao fastioso aki pa bo den algun minuut. REDDY KILOWAT T'EY PA SIRBI BO TUR ORA.

"ST.GERARDUS CURSUS ARUBA"

Si bo tin diploma di Steno Hulandes, bo por obtene bo diploma di Steno Ingles of Spanjo den tres luna.

Acudi na: Wilhelminastraat 18.
Tel. 3268 (5-8 'or) Tel. 7227.

SUE THOMPSON FAN CLUB

Ta presenta diasabra 4 di april un grandioso baile na **Commandeursbaai Club for di 9'or p.m. te 3'or di madrugada**

Cu sensacional musical - The Magnificent Five y The Shadows -

Entrada Fls. 4.-- caballeros - damas Fls. 2.--

Kaarchi ta obtenibel serca miembronan di directiva y e anochi di baile na porta.

NOBO NOBO NOBO

Nassaustra 34

Nos a caba di ricibi nos katuna tan conoci y cu no ta machika cu disenjos nobo y fantastico. Tambe Linnen nobo geweeft cu seda den colornan preciosos especialmente pa bistir di shift. Bunita tela pa suit, y manera semper serca nos bo ta haya tela di calidad na prijs barata!

Pa president door di directiva di A.B.B.A., e actual president Tico Kuiperi.

Pa otro puestonan di directiva, door di directiva: A.E. Mansur, D.D.S. Ridderstap, M.J.Croes y J.O.Arends; door di B.B.C. Heinekens: P.Lake, R.Croes, y A. Genser Jr.; door di B.B.C. Esso Service Center: R. Halley; door di

Cumpra bo tairanan

Continental

awor y laga nos monta nan

GRATIS pa bo.

Tur tamanjo na existencia. **E. & G. MARTIJN (ARUBA) N.V.**

Havenstraat 10-12
tel. 1492 - 1493

Oranjestad Little League: M. Serphos Jr., M.J.Croes y D.D.S. Ridderstap.

Pa miembro di comision: Door di B.B.C. Heinekens: P. de Cuba. E reunion general ta yama pa 7.30 di anochi, pero den cas cu no tin e cantidad stipula presente na e momento ey, e reunion lo worde teni pa 8'or di anochi cu esunnan presente.

Coffie brasileiro horta transporta via Surnam

PARAMARIBO, 3 april.- Na Surnam a llega un mision Brasileiro cu a pidi cooperacion di gobierno Surnamenjo pa lanta na Paramaribo un puesto di control pa mercancías foi Brasil cu ta wordu importa na Surnam. E mision ta consisti di un altu functionario dje ministerio Brasileiro di asuntonan exterior, hefe dje servicio Brasileiro pa combati contrabanda, y un functionario dje instituto Brasileiro di coffie.

Un investigacion cue autoridadnan Brasileiro a pone - segun e coresponsal di ANP na Paramaribo a anuncia - a muestra cu e ultimo tempu aki, cantidadnan grandi di coffie cu ta wordu transporta di un ciudad di Brasil pa un otro jamas a llega nan destino. A resulta akinan tambe, cu e cantidadnan di coffie aki a wordu transporta via Surnam pa Merca y Europa.

No tin akinan solamente kestion di contrabanda pero tambe robo na gran escala.

E kestion a bira actualidad door cu siman pasa a drenta den haf di Paramaribo un bapor grandi "Guarany", cu un carga di 50.000 te 60.000 ton di coffie foi Brasil. E bapor inmediatamente a staciona banda di "e bapor Jason", di KNSM.

"Jason" a sali cu 8000 baal di coffie pa Amsterdam. Un parti dje carga di Gua-

rany" a wordu embarca cu "Chiron" tambe di KNSM pa Europa y e resto ta di caminda cu Ulyseus di KNSM pa Merca.

"Guarany" a llega Paramaribo bou dje bandera Paraguay, pero su haf mes ta Brasil. E mision Brasileiro entre tanto a pidi pa un entrevista cu prome minister Pengel di Surnam. Fin dje siman aki nan lo continua pa Ulanda pa pidi akinan tambe cooperacion, pasombra economia Brasileiro ta sufrir hopi bou dje comercio ilegal aki.

E tripulacion di Guarany, entre tanto a sali di Surnam.

Ta parse - segun desicion dje coresponsal di ANP - cu e bapor mescos cu varios otro, cu adrenta haf di Surnam cu coffie di Brazil, lo keda detene na Surnam.

Resultadonan di Little League

(Di Nos Redactor Deportivo) PER Cleaning a logra mantene su invicto den e liga Sur di e campeonato di baseball little league, mientras cu O So Grape di Liga Nord si a mira su invicto cai y net contra di un team, Nutricia, cu te na e momento ey no tabata tin victoria riba su nombre ainda.

Otro nota sobresaliente di e weekend di little league tabata cu apesar di a lanza un no-hitter contra di Rotary, e pitcher F.R. Arends di Libby's a perde su wega 9-7.

E rotarionan pues a anota menos cu nuebe baha sin conecta ni un solo hit. Cuatro di e carreranan tabata carrera forza cu base por bola, cuatro otro pa error y un opa fielder's choice.

E resultadonan di cada wega tabata lo siguiente: Super Cleaning contra American Legion 6-5. E ganadornan a conecta cuatro hit y comete 2 error, e legionario a conecta dos hit y comete 7 pifia. Pitcher ganador A. James, perdedor M. de Muoy. Rotary a supera Libby's 9-7, sin conecta hit y cometiendo dos error. Libby's tabata tin cuatro hit y a comete tres error. Pitcher ganador R. Wout, perdedor F.R. Arends. Viana's a sufrir un derrota contra di Aruba Lions cu anotacion di 5 pa 9.

E leoncionan a conecta shete hit a comete un error, Viana tabata tin 6 hit y 5 error. Pitcher ganador J. Diddler, perdedor P. Wever.

Den Liga Nord Caribbean Hotel a derrota Pepsi Cola cu amplio score di 26 carrera pa 1. Total di 19 hit e hoteleronan a conecta piflando den dos ocasion. Pepsi a conecta apenas un hit y a comete total di 10 error. Pitcher ganador M.D. Kelly, perdedor F. de Mev.

Nutricia a kibra e invicto di O So Grape cu anotacion di 6 carrera pa 3. Pa ambos esaki tabata algo nobo den e campeonato ya cu ta promer triunfo di Nutricia y promer derrota pa O So Grape. Ambos equipo a conecta seis hit. Mientras cu Nutricia a hunga sin error, O So Grape a comete cuatro. Pitcher ganador tabata J. Tromp, perdiendo G. Raven.

Wrigley's P.K. a supera U.S. Keds cu anotacion di 9 carrera pa 3. E hitnan tabata respectivamente 6 y 4 y e errornan 2 y 7. Pitcher ganador R. Geerman, perdedor C. Quandt.



Bon oportunidad

- * Pa motibo di reorganisacion

TA BENDE UN

Voigtlaender Bessamatic

Cu: * ZOOM-LENS 1:2.8 F-36MM te 82 MM.

- * TAS DI CUERO MASHA LUJO
- * UV-FILTER
- * CAPA PA SOLO
- * REENCHI PA ADAPTION

(prijs di tienda fl. 700.-- awor.....solamente fl. 285.--!)
pa informacion acudi na:
„Arubaanse Courant,,
Nassaustraat 85 - tel. 1116 - 2116



Isayendo Faria. E pañanan casual di 1939 (d) ta to- pa cu su rival di 1964 (r).

President di banco di Brasil a retira

RIO DE JANEIRO, 3 april.- E president di banco di Brasil, a retiraayera.

e director di e departamento di disconto di e banco, Hugo Faria lo ta president interino te ora cu un sucesor worde nombra.

Observadornan financiero ta bisa cue retiro di e president di e banco ta causa di diferencia di opinion cu gobiernu di Brasil tocante e politica di disconto.



Conferencia na Italia

ROMA, 3 april.- A cuminsa na Berillagio na Italia un conferencia di mesa rondo di 15 economista, expertonan di mata y specialistanan riba terreno di cuidu di mu-

cha di varios pais desarolla y menos desarolla. Tambe e Ulandes profesor Tinbergen a tuma parti ne deliberacionnan cu lo dura un siman. E conferencia a wordu te ne riba instigacion y bou di auspicio dje fondo di mucha di Naciones Uni "Unicef".

Congreso na Boedapest

BOEDAPEST, 3 april.- E chinesnan a sufrir ne congreso dje asociacion comunista internacional dje juristanan democratico un derrota serio na un eccion. No ta conosi, pakiko nan a vota y con e resultado ta exactamente. E delegadonan pe confreso a participa, cue reunion cu a wordu suspende, despues cu e chinesnan a causa un tumulto serio, a sigui un ora despues y a continua henter anochi.



E sabor „insuperable,, cu solamente Libby's por duna bo, Buniteza y sabrosura combinã, pasobra frutanan di Libby's ta suave y toch firme, y nan ta dirti riba bo lengua.

N.V. WINKEL'S
HANDEL MIJ.

Erhard ta bolbe bai Merca

Bonn 3 April. Cansillier Federal Ludwig Erhard di Alemania Occidental na cumzamentu di juni lo sali pa Merca y haci akinan presentacionnan ne universidad Harvard. Esaki lo te di tres bishita di Erhard na Merca despues di su nombramentu como cansillier federal. Na november di anja pasa el a asisti ne interior di president Kennedy y fin di december di anja pasa e tabata huesped di president Johnson na esaki su hacienda na Texas.

Shete di Aruba den seleccion hubenil di Antillas

(Di Nos Redactor Deportivo)

Diamars a sali for di Corsow e delegacion antillan di futbol cu 7 tuma parti na e segundo campeonato centro-norte americano del Caribe di Futbol Juvenil. E campeonato aki ta worde teni na Guatemala.

Di Aruba a viaha como delegado Fichi Croes, president di Aruba Voetbal Bond, Manuel Oduber como masajista y Mundo Kemp como asistente di entrenador Pedro da Cunha.

Ademas a bai shete hungador for di Aruba, cualnan ta Oslin Toppenberg, Urbano Kock, Benito Dubero, Robert Simon, Frank Richardson, Richard Jacobs y Bernardo Jacobs.

Segun nos tin entendi directiva di A.V.B. no ta satisfecho cu e forma den cual e delegacion a worde forina, especialmente loke ta concerni designacion di delegadornan, y a protestacerca directiva di N.A.V.U. pa esaki.

Sentencianan di morto na Cuba

Miami Florida 3 April. E corte supremo Cubano ayera a pronuncia pena di morto pa un hoven comunista, cu parce na anja 1957 a traiciona cuater miembro di e movimiento revolucionario na polis di e regimen di Batista. Durante e proceso premier Castro a testigua cuater ora y mei, den cual el a critica e comunistanan mas bieu den su regimen y a pidi nan pa mantene un union revolucionaria comunista. Armando Rodriguez di 26 anja, a worde condena anteriormente en secreto na pena di morto. Premier Castro a ordena e ora ey pa tene un proceso nobo. Segun e informe insinua cu tratamentu di e caso tabata hustifica. Durante e sesion Castro a critica e manera cu e caso a worde atende.

AVISO

E suscrito, Theodore M. Quammie, bibá na Kas Paloma number 17, na Aruba, pa medio di e anuncio aki ta duna aviso irrevocable cu e no ta responsabel di ningun manera y pa ningun motibo pa ningun acto hací of pa ningun irregularidad cometi den Antiljas Neerlandes door di e muher jama MEREDITH (su nomber prome cu e casa tabata: JOSEPH) cu kende e suscrito a casa legalmente y cu mal intencion su bibá mencioná aki riba y a keda ausente for di su cas, bandonando sin consideracion nan yiu muhernan di respectivamente cinco, seis y siete anja di edad.

Theodore, M. Quammie, Aruba, Maart 1964.

HUNGARO TA DESMENTI ARESTACION

BOEDAPEST, - 3 april. - E ministerio Hungaro di exterior a nenga cu recientemente cien hende a worde arresta na Hungria riba acusacion di actividad subversivo.

E agencia Ingles di noticia, Reuters, a anuncia dia 29 di maart cu tabatin rumornan no confirma segun cual na Hungria centenares di simpatizador nan di Sandor Nagy a worde arresta.

Ivan Foti, hefe di prensa interino di e ministerio Hungaro di exterior, sin embargo a confirma cu Nagy, quende algun tempu pasa a worde arresta pasobra parce el a comete actividadnan subversivo.

CHROESJEF NA HUNGRIA


BOEDAPEST, - 3 april. - Premier Chroesjef di Union Sovietica a sali cu un trein especial di Boedapest pa un bishita di un dia na Noordwest Hungria, unda e lo bishita un stal di cabal cu a worde estableci durante e monarquia di Hasburgonan.

Periodistanan di occidente a worde bula cu nan no por companja e premier riba su gira, durante cual e lo bishita tambe un rancho colectivo. E edificio nan no tin suficiente lugar pa e sey, asina un portavoz di gobiernu Hungaro a participa na un encuentro cu prensa.

Prome minister Chroesjef a bisa na Boedapest den un discurso cu a ser publica pe agencia Ruso di prensa Tass, cu Hungria y Rusia enbista dje kestonnan ideologico y politiek di exterior tin e mesun puntanan di bista. E lider Ruso a papia na un comentario ofrese nepe prome minister Hungaro. Esaki a declara despues, cu imperialistanan, cu ta spera riba relacionnan debil entre Rusia y Hungria, revisionistanan cu ta spera riba un alehamentu di finesnan revolucionario, cu dogmaticonan, cu ta hinca nos den dificultad o kier benta nos hunto o separa den aventuranan. Prome minister Kadat a continua e sonadornan derechistanan y izquierdista aki lo meste spera hopi tempu; hunto nos lo sigui nos propio caminda... semper dilanti. un grupo chiqui di corresponsalnan comunista por a bai cu e premier.

E grupo a regresa ayera nochí.

Sra. Kennedy a cuminsa practica un deporte nobo pe esta skimento. Aki por mire den compania di su jiu muher Caroline cu ta sigui e pasonan di su mama.



SIMBOLO CLASICO-- Un aeroplano di defensa a caba di marca e simbolo di weganan olimpico den laria banda di Cerru Fuji. E weganan olimpico lo worde tene pa prome biaha na Asia caminda Tokyo lo tuma parti como huesped di dia 10 pa 24 di october.



Den e palacio di deporte di Berlin caminda un gran gala di schaats a tuma lugar e deportista Aleman Marika Liljus a celebra su di 21 cumpleaños. Naturalmente e bolo tradicional taba-

ta presente cu mester a worde corta. Aki por mira d.r.p.d. Sjoukje Dijkstra, Hans Juegen Baumler, e kokki, Marika Liljus y Manfred Sheldorfer.

Principe Philip a entrega e premio Carl Alan na The Beatles den Empire Ballroom na Londen. Aki nos por mira con e miembronan di e banda ta admira nan premio mientras cu Principe Philip ta para mira cu un sonrisa.



Minister Soebandrio a yega Hulanda

SCHIPHOL, 3 april.- E minister Indones di exterior, dr. Soebandrio, a yega Schiphol den compania di su esposa. El a worde ricibi cordialmente pa su colega Ulandes, minister Luns, mientras cu senjora Luns a ofrece un bouquet di flornan senjora Soebandrio.

Minister Soebandrio tabata companja tambepa su minister Interio Soedjarwo Thondronegoro. Pa e prome bishita aqui, cu e minister Indones di exterior ta haci na Ulanda despues di diesun anja, tabatin un guardia di honor di marechaussee real riba plata forma, cu a saluda firme, ora cu e huespednan Ulandes a baha for di e avion.

Tambe e encargado Inuones di negocion na Ulanda, dr. Sjari tabata presente na per puerto.

E yegada di e minister Indones a worde presenca pa centenares di ambonen e Indonesnan.

Na e aeropuerto tabatin medidanan di seguridad extra.

President Soekarno a mandami Ulanda, pa simbolisa cu e relacion entre Ulanda e Indonesia ta normal atrobe y cu nos di parti di Indonesia quier reforsa e relacionnan ey y duna nan contenido.

LAVORANTE A FALLECE

BUENOS AIRES, 3 april.- E Argentino peso completo Alejandro Lavorante, cu foi 21 di september di 1962 den coma a muri na Mendoza den Noordwest di Argentina, sin di a recobra conocimiento.

Lavorante a wordu e dal knock-out dia 21 di september di 1962 na San Francisco Mericano peso completo Johnny Riggs.

Esaki ta e di tres biaha en sucesion, cu e ta wordu e dal knock-out. Algun luna pasa el a wordu manda lona pa Cassius Clay (e actual campeon mundial peso completo) y Archie Moore.

Aki Papa Pablo ta saluda e multitud na Roma despues cu el a tene un misa riba trappinan di Vaticano durante dia di Pascu ultimo.

Asina minister Soebandrio a bisa. El a bisa tambe cu e no ta quere cu lo tin dificultadnan pa e deliberacionnan, cu e lo hiba man cu e minister Ulandes di exterior, pasobra e base pa esey ta pone for dina New York. Despues minister Luns a yama su colega Indones bonbini.

Proceso contra Wernerstroem

STOCKHOLM, 3 april.- Dia nuebe di april e proceso contra e ex destacado Ruso di forza aerea na Moscu y Washington, coronel Stie Wernerstroem lo cuminsa, a sin president di e tribunal a participa na Stockholm.

Wernerstroem a worde arresta anja pasa juni riba acusacion di espionaje contra Union Sovietica.

GRAN BRITANIA TA PIDI AYUDO

Genebra 3 April coreo Britanico a pidi oficialmente pa apoyo dje union internacional pa telecomunicacion pa pone un fin ne transmisionnan di pirateria di Radio Caroline, cu ta aborda di un bapor den Noordzee dilanti costa Britanico. Door cu Caroline ta carga bandera Panamenjo e union internacional pa telecomunicacion lo dirigi sumen pe director general di coreo Panamenjo y mustrele riba puntonan cu ta existi internacionalmente enbista di transmisionnan di radio, foi bapornan di pirateria. E union lo pidile tambe pa controla e permit di radio dje bapor, segun un bosero dje union Internacional pa telecomunicacion Door que union no tin poder pa trese e reglanan internacional den eheucion, tales pasonan poco ten pasa a conduci Dinamarca na por a nabega mas bow di bandera Panamenjo, segun e union Internacional pa telecomunicacion.

Armisticio entre Somalia y Etiopia

ADDIS ABEBA, 3 april.- E ministerio Ethiope di Informacion a anuncia, cu excepcion di Teferi Ber, nan a stop ultimamente cu e tiramente ne frontera cu Somalia.

Cerca di Teferi Ber trupanen Ethiope a wordu ataca varios biaha pero nan no a tira bek.

PROPOSICION HAPONES NA GINEBRA

Genebra 3 April den e sesion di mainta na e conferencia mundial di comercio e minister Haponen di programacion a trece e siguiente shete puntonan dilanti:

1. Hapon ta protesta contra descriminacion di produccion Haponen, cual ainda ta existi den mundo.
2. Progreso di e paisnan di desarrollo ta depende completamente di un progreso duradero den e paisnan industrial y di e esfuerzonan di e paisnan industriales y di e paisnan di desarrollo mes.

3. Hapon quier limita e acuerdo-ana mundial pa materianan prima na produccion tropico y ta contra e clasenan di acuerdo ey pa produccion for di zonanan modera.
4. Hapon ta contra aumento artificial di e prijsnan di materianan prima y cu algun excepcion ta duna preferencia na libertad di pedida y oferta.
5. Hapon ta reserva contra e posibilidad pa duna preferencianan unilateral na paisnan di desarrollo pa export di nan produccion di fabrica y produccion fabrica parcialmente pa nan mes.
6. Hapon ta opone contra aumento di un cantidad di agrupacionnan economia di paisnan di desarrollo.

7. Hapon ta contra di establecimiento di un organisacion mundial nobo pa comercio y ta insisti riba expansion di e trabanon di e organisacionnan existente.

Rumania a entrega na e conferencia mundial di comercio na Ginebra e di cuater plan pa financiamiento di e desarrollo di paisnan hoben esta formacion di paisfondo internacional di yudanza bou di vigilancia di Nacionnan Unifor di sumanan tuma di gastunan militar di paisnan industrial, sin spera riba desarme. Segun Rumania esaki lo tin e ventaha cu e no ta trece un cambio den e equilibrio di poder.

Anteriormente Ghana a propone un plan igual, pero financia for di ahorro cu lo surgi for di desarme den e paisnan industrial. Israel a propone pa atrae capital particular door di duna un prestamo cu un renta di cinco por ciento y mei.

Asaltonan di bom na Makassar

DJAKARTA, 3 april.- Cuater persona a muri na dos asalto di bom cu taba in na Makassar. President Soekarno quier a bishita Makassar, pero esey no a sigui pasobra e tabata malu. Di fuente oficial na Djakarta a worde participa cu e president a melhora entre tantu.

Segun ambtenaarnan di e servicio di seguridad algun mucha homber na Makassar a pone bombnan plastico bou di un palu. E investigacion ta sigui.

E prime minister di Maleisia a bisa cu el a dicidi pa no pone su mes reeligible pa e eleccionnan di anja 1969, pasobra e quier dedica resto di su vida na e partido di alianza. Abdoel Rahman, quende tin 61 anja a bisa tambe cu e ta prefera, pa un politico mas hoben tuma gobiernu over.

Segun e, entre e hopi hobennan capaz vice-premier Abdoel Razak ta tuma un lugar prominente.



LARK - E sigaria cu ta filtra mihor

Experimenta personalmente con suave e "karbon-filter" ta funciona.

Purba e LARK nobo - y gosa dobel di bo sigaria.

DISTR. ARUBA TRADING COMPANY - ARUBA



INCIDENTE NOBO NA CHIPRE

NICOSIA, 3 april.- Na Chipre tabatin e prome incidente despues cu e ehército di Nacionnan Uni riba e isla a cuminsa funciona.

Chipriotanan Griego a tira banda di Selemeni den Noordoeste di Chipre algun habitante Turco cu tabata traha den campo. Un Turco a muri y dos a queda lesiona. E anuncio ta bini di e cuartel general di Nacionnan Uni na Chipre.

- E Chipriotanan Griego ta celebra dia di Eoka como expresion di nan deseo pa queda para riba nan punto di bista den e actual conflicto cu e comunidad Turco riba e isla.

Ta worde calcula cu un enorme multitud lo participa na servicio-nan di misa pa celebracion di e di nuebe aniversario di e revolucion di e movimientu subversivo "Eoka" contra e regimen ingles.

Na Nicosia gruponan di hobenan, trupanen di seguridad y ex miembronan di Eoka lo pasa den optocht dilanti di president Makarios. Henter dia lo tin conmemoracionnan.

Ta worde calcula, cu un acuerdo juridico, cu a worde realisa entre Chipre y Nacionnan Uni tocante e status di e ehército di Nacionnan Uni riba e isla, lo worde publica na New York.

Segun un portavoz di Nacionnan Uni na New York e acuerdo ta relaciona cu asuntunan manera li-

bertad di movicion di e ehército, uso di camindanan, facilidad di haaf y aeropuertonan, y e ehército di Nacionnan Uni.

Sakari Tuomioja, e intermediador di Nacionnan Uni pa Chipre a sali pa Londen despues di deliberacionnan na Ginebra. Na Ginebra e lo tuma algun dia di sosiegu prome cu e sigui pa Nicosia.

Proteccion pa bisontenan

MOSCU, 3 april.- Criadornan Moscovita di gando tin idea di cria cantidadnan grandi di bisontenan Europeo. E animal aki, cu durante un tempu tabata familia di Mamot cu a desaparece foi mundo caba ta amenaza di caba na nada. Riba henter mundu tin solamente 502 ehemplar. Un corant na Moscu a anuncia cu na un reservado na Moscu tin 51 bisonte Europeo. Nan ta desendiente di un 4 bisonte cu 15 anja pasa a llega ne reservado aki.

E bisonte Europeo ta un animal di mondi mientras cu su ruman mericano ta un animal di llanura. Nan ta ser ciuda pa un grupo di criadornan di ganado, cuta duna e bisontenan dos biaha pa dia nan cuminda preferi cu ta consisti di eikel, rooibiet y yerba secu. Nan ta spera cu na 1972 e cantidad lo a bira dos cien.

Ne reservado ta biba tambe bisontenan Mericano, desendiente-nan di animalnan cu a wordu importa algun 10 anja pasa for di Norte America. E bisontenan aki, segun e corant ta hanja tambe loke nan ta gusta local ta takinan hoben dje palu alamo. Nan ta trata di crusa bison Europeo cu bisontenan Mericano.


E ta considera un welga di dokternan algu cu no por worde admiti, ya cu esakinan ta ehecuta un profesion cu por cierto tin un posicion di Monopolio.

Dokternan Belgo ta welga

BRUSSEL, 3 april.- E dokternan Belgo a cuminsa un welga di duracion ilimita despues cu deliberacionnan cu gobiernu, cual a dura te mei anochi, a fracasa. Nan a negocia 14 ora consecutivo y no por a yega na un acuerdo tocante tur conflictunan cu a surgi a consecuencia di e asegurado nobo di enfermedad e invalidez.

Nan tabata di acuerdo tocante practicamente tur asuntunan principal pero e negociacionnan a worde interrompi pa e desunion tocante asuntunan financiero.

Lo tin solamente un servicio di warda pa casonan urgente. Premier Lefevre a declara djles despues di e reunion cu gobiernu lo tuma medidanan di emergencia pa mengua e efecto di e huelga. Si ta necesario lo e duna un orden pa obliga e cuerpo medico traha.



Yvonne Burgess di diesseis anja a dicidi pa hasi un paseo riba kak di school na Brooklyn, New York. E publico presente a jama polis mesora pa kita e mucha cu tabata hungando cu su bida. Polisnan a subi riba e dak mientras cu abao nan a span un net pa Yvonne bula aden. Aki ta mira e momento di e bulada. Mas cu un ora y mei nan a trata pa salba e mucha, cu despues a worde hiba pa un hospital.

Demostracion di papoeanan

DEN HAAG, 3 April.- Tres hoben ben Papoea cu ta ocupa puestonan den e organisacion hubenil - Papoea, cu ta consisti di mas o menos cincuenta miembro, a entrega un peticion na Den Haag pa e minister Ulandes di exterior, mr. Luns, y su colega Indones, dr. Soebandrio, den cualta worde bisa, cu nan no por acepta cu Indonesia ta sigui goberna "West-Irian".

Den e peticion nan ta critica gobiernu Indones.

Parce cu e Indonesnan ta comete actonan di violencia na West Irian, ehecuta presion riba Papoeanan prominente, ta descuida cuidu di salubridad y ta dirigi e cursonan na school riba indoctrinacion politica y educacion militar.

Contruccion y desarollo den tur ramo di e poblacion a queda paralisada, asina e peticion ta bisa.



Dos bista mas di e terremoto na Alaska di siman pasa cu a causa un danjo enorme. Riba e prome portret por mira kiko a resta di e inventario di un supermercado na Anchorage. E otro portret ta muestra con e habitantenan di e teritorio azota cu a perde nan cas ta hanja cuminda di e puestonan di emergencia cu a worde manda pa e teritorio.